

DIE ALT MIEHL.



Dort unne in der Wadli an der Krick,
Sehnscht du 'n Grup vun goele Weide schteh' ?
Sehnscht ah 'n Toolhaus un en Torupek Brick,
Wo lange Babble shiesse in die Heh?
Un sehnscht dorchs Silber Weidelaab Geschpiel,
Wann juscht der Wind die Nescht 'n wenig weht—
En alt Gebel, das dort im Schatte kiehl,
Recht mitte in de goele Weide schteh?
Sell is die gut altfashen Kunne-Miehl.

Ihr Dach geboge wie 'n g'sunke Grab,
Die schwarze Schindle halb gedeckt mit Moos,
Die Wend gescheitert—'s in versprunge, glaab—
Ja, werklich, aus der Krocka wakst frisches Gras.
Die triewe Fenschtre, mit Geweb bedeckt,
Vun Schpinne Neschter, mache schpukig Licht;
Un wo 'n Scheib verbroche is, dort scheckt
En alter Hut, der dhut sei' letschte Pflicht,
Was doch des ganze Ding Gedanke weckt!

Un sehnscht owig der Miehl en Weide Roi?
Sie schlangelt dort so schrecks am Hiwel hi',
Uf einer Seit die Wiss. Wie schee' im Mai
Die Vogel singe dort, vergesse m'r nie!
Sell is der Rees. Dort hab ich oft geschpei't
Mushkrotte, Schlange an de griene Banks;
Sie leie schlefrig uf der Summer Seit;
Nor'd wammer so verschreckt, gebt's awer Pranks.
Sie hasse Buwe meh' wie grosse Leit.

Die Miehl! 'n Schtick vom Dach schteht owe naus;
Dort hengt 'n Schtrick, den lupt m'r an die Seck;
Sell hebt sie schee' vum Wagebett heraus,
Un heist se haendig in die owere Schteck.
Sell is 'n arg gut Ding—es schft viel Miehl;
Nau hot der Miller net viel Drawel meh;
Inwennig is es ah gefixt gans nei;
Der Weeze nau laaft selwer uf die Schteh'
Un 's Miehl kummt unne 'raus vun Kleie frei.

Es is blessirlich in die Miehl zu geh',
Abblattig wammer warte soll uf's Miehl;
Nor'd hot m'r Zeit un kann recht alles seh',
Sell is for Buwe als des beschte Dheel.
Dann geht m'r an d'r Damm un fischt en Weil,
Un macht sich Peife vun de Weide Beem,
Sell macht der Z'rickweg nor'd zur kleene Meil;
M'r hockt sich uf der Sack un peift sich heem;
Der Gaul kann langsam geh', 's hot jo kee' Eil.

Der Miller war ebaut en neiser Mann;
Er hot eem gern sei' Gart und Angle g'lehnt,
Un so sei' Messer; ja, ich muss, ich kann
Geschteh', er hot's mit Buwe gut gemeent
Un ehrlich war er ah, bis uf der Sent.
Bei'm Mieter Braun war kee' Verdacht,
Sei' Buschel un sei' Toolbox, wie mer's nennt,
Hen alles gans recht an der Mann gebracht,
Un wie er's g'saat hot, so war's jushtement.



Es war net alsfort so in sellere Miehl!
So sage ennihau schier alle Leit.
'S muss Eppes dra' sei' for m'r heert gar viel
Wie's dort g'triewe war in frieherer Zeit.
Es heest, 'n schlechter Mann mit Name Reischt,
Het falsch gewoge, falsch gemesse dort!
Un endlich het en schwarzer beesser Geischt,
Mit Leib un Seel' mol Nachts der Miller fort!
Heer' dess, Betrieger, wo un wer du seisch!
Heer' dess, Betrieger, wo un wer du seisch!